


V/83.

346

273. 15

W-42



21

1801  
17 OCT 2009  
grey

115-11



+

Մ Ն Ի Թ Ա Ղ Ե Ա Ն

Մ Ի Բ Ե Ը Ն Ո Ւ Թ Ի Ի Ն

С П О Д О Б Р О У

С П О Д О Б Р О У С П О Д О Б Р О У

271.15

Ա-42

Ա. ԱՅԱՐՈՆԵԱՆ

Մ Խ Ի Թ Ա Ր Ե Ա Ն

Մ Ի Ա Բ Ա Ն Ո Ւ Թ Ի Ի Ն

200-ԱՄԵԱՑ ՑՈՒԵԼԵԱՆԻ ԱՌԻԹՈՎ

(Արտատպուած «Մշակ» լրագրից)

346

Թ Ի Փ Լ Ի Ս

Արագ. տպար. Մ. Մարտիրոսեանցի

Միքայելեան փողոց № 81

1901

3533

УДОВОЛСТВО

С. А. А. А. А. А. А. А.

С. А. А. А. А. А. А. А.

УДОВОЛСТВО

Дозволено Ценз. Тифлисъ 23 Августа 1901 года.

УДОВОЛСТВО



3533-2002





(Ուղեւորի բռուցիկ սպաւորութիւններ)

Ս. Ղազար եմ գնում: Մանկութիւնից եմ երազել այս օրը, այն անդառնալի կերպով անցած ժամանակներից, երբ դեռ չէի հասկանում «Որ ի քնար հոգետաւիդ»-ը և երբ սիրտս փղձկում էր «Ո՛վ դու բարեկամ»-ը կարդալիս. Բազրատունիներն ու Ալիշանները հեռուից ասես դիւթում, քաշում են. Ինչ հաճելի է օտար երկրում հայրենիք զգալ այսպէս խորունկ կերպով:

Վենետիկեան գարնանային օր է: Հիւրասէր մենաստանն իր նաւակն ունի ծովափին: Ուղիղ ճաշ է: Մի ծեր և մի երիտասարդ խտալացի թիավարների յաղթ բազուկներով սև կոկիկ նաւակը սլանում է հարաւային արևի վառ շողերով ողողուած ջրերի հայելանման մակերևոյթի վրայ: Զուրջս ամեն բան ժրպտում է, և՛ արևը, և՛ ջրերը, և՛ գօնդօշները. իսկ այս երկինքը՝ ի՛նչ յստակ է ու կապոյտ: Մի ուրախ տրամադրութիւն է իջնում վրաս. թւում է՝ երկար տարիներից յետոյ հայրենիք եմ գնում, մայր երկրի մի կտորը պիտի տեսնեմ և այնտեղ հուշակաւոր ծերունուն՝ հինաւուրց նահապետին:

Տեղատուութիւն է. ջրի տակից բազմաթիւ կըրդիներ են դուրս ցցուել, աւազապատ կամ կանաչ, և

նրանց միջից գալարում է խոր ջրանցքը, ինչպէս մի լայն գետ: Ջրանցքի երկու կողմերում, զանազան ուղղութեամբ, շարուած են ուղեցոյց հաստ ցիցերը, որպէս լուռ պահապաններ ըմբոստ ալիքների կատաղութեան դէմ: Այստեղ այնտեղ կղզիների ափին, ծանծաղուտների մէջ, ինչպէս մոլորուած կամ շուարած, անշարժ կանգնած է մի ձկնորսական նաւակ, իսկ նրա տէրերը, երկու ընկերներ կամ մի հայր ու որդի ձեռքերով խառնում են ջուրը կամ փոքրիկ ցանցերը քաշում և դուրս հանում ջրից այն բոլորը, ինչ որ շարժուն է, ինչ որ կենդանու հեռուոր նմանութիւն ունի: Ծովափնեայ ժողովուրդը ջրային կենդանիների մէջ խտրութիւն չէ դնում: Ծովային զինւորները, մեծ ու փոքր նաւակներով սփռուած ջրերի վրայ, զանազան վարժութիւններ են կատարում թիավարելով և իրանց ուրախ աղաղակներով լցրել են շրջակայքը:

Երբեմն երբեմն մեր կողքից անցնում են մեծ ու փոքր շոգենաւեր բազմութեամբ լցուած: Նրանք թափով յուզում, տակն ու վրայ են անում ջրերը. մի բոպէ մեզ էլ է հասնում ուռած ալիքների թափը, մեր նաւակը տաշեղի պէս վեր ու վար է անում, ծրփում է սիրուն ելևէջներով և ապա կրկին սլում առաջ խաղաղ ու անձայն: Թռչուն չկայ, ո՛չ ջրային և ո՛չ ցամաքային. նրանց երգը չէ հնչում այս կղզիների վրայ, որոնք իրանց փխրուն մէջքին կրում են այս տարօրինակ քաղաքը. թռչունի փոխարէն այստեղ մարդն է երգում օրն ի բուն:

Մեզանից դէպի ձախ երևում է մի կանաչ ծառախումբ. դա Վենետիկի միակ պարտէզն է, միակ

տեղը, ուր վեներտիկցի մանուկը գաղափար է կազմում ծառի, բուսականութեան մասին: Ծովը հաղիւ է համաձայնել քանի մի շերտ հող տալ տներ շինելու համար. ծառերի պարտէզների տեղը կատարեալ շոայութիւն կլինէր: Աւելի հեռուն Լիգօ պատմական կղզին է, կանաչապատ ու ծառաղարդ, որ ինչպէս մի օձաձուկ կիսաշրջանով պատել է Վեներտիկի առաջը և, մէջքը դէմ տուած լայնարձակ ծովին, ասես ուխտել է յաւիտեան հսկել այնտեղ և մեղմել հեռու խորքերից եկած ալիքների կատաղութիւնը:

Մեր նաւակն անցնում է մի կղզու առաջից, որի վրայի շինութեան ճակատին գրուած է «Fate bene, fratelli» — «Բարի արարէք, եղբայրներ»: Խենթերի ապաստանն է,—պատասխանում են իմ հարցին: Այստեղ ապրում են 5—6 հարիւր դժբախտներ և կրօնական մի ուխտ նրանց խնամելու վսեմ պարտքն է յանձն առել: Հաւատացնում են, որ դռան ճակատին փայլող նշանաբանը ամենալայն գործադրութիւն է գտնում այդտեղ: Այս կղզու դէմ ու դէմը գտնւում է մի այլ նման կղզի, որ կին խելագարների ապաստարանն է, ուր խնամողները բնականապէս միանձնուհիներ են: Այս բոլորը գեղեցիկ է, ափսոս սակայն, որ «Fate bene, fratelli»-ն քրիստոնեայ աշխարհում շատ ուշ է հասնում,—մեծ մասամբ այն ժամանակ, երբ թշուառը տանջանքների և խեղճութեան երեսից անպէտքացած դառնում է ապաստանի առարկայ...

Մեր առջևն է այժմ մի փոքրիկ կղզի՝ կարմիր շինութիւններով... Ս. Ղազարն է, այն համեստ անկիւնը, որ մեր նոր կեանքի վերածնութեան շրջանում այնքան խոշոր դեր է խաղացել: Ես այլևս աչք չեմ

հեռացնում: Բոլոր շինութիւններից վեր բարձրանում է սպիտակ զանգակատունը կարմիր եկեղեցու վրայ: Ջրածեծ ցածր պարսպի ետևից երևում են փոքրիկ պողատու ծառերի կատարներն ու ստուերախիտ Դոճիները: Մի բոպէ՛ շինութիւնների այս վառ կարմրութիւնը, ծառերի կանաչը, ջրերի փայլը, այս զանգակատունը, եկեղեցին՝ ծովային հօրիզօնի վրայ խառնում են իրար արեղակի վառ շողերի տակ և ստացում է մի ֆանտաստիկ տեսարան, ուր հայեացքը չփոթւում է և չզիտէ սրին առաւելութիւն տայ, ինչին նայէ, սր կողմը ուշք դարձնէ: Թւում է, թէ Աղբիական ծովն ամենից աւելի այս կղզին է գուրգուրում, որպէս հեռու երկրից իր գիրկն ընկած մի ազնուազարմ որբ, որը ամենից աւելի է խնամքի կարօտ... Գեղեցիկ է ս. Ղազարը:

Նաւակը սուրաչով կանգ է առնում մուտքի քարեայ աստիճանների առաջ. ծեր իտալացի դոնապանը օգնում է հիւրերին դուրս գալու նաւակից: Վերին աստիճանի զրաւիչ է առաջին տպաւորութիւնը, երբ մարդ ներս է մտնում: Բակը ներկայացնում է մի քառակուսի, լու մշակուած պարտէզ՝ ծաղկաշատ և ստուերախիտ. չորս կողմից անցնում են երկայն, համաշափ և համանման սիւնաղարդ սրահներ (portique). Ծաղիկներն ու կանաչ բաղեղները չորս կողմից եղբայրաբար գալարում են սպիտակ, նուրբ սիւնների մէջքին, գեղարուեստական անհողութեամբ փարում են երկաթեայ վանդակապատի ճաղերին, տեղ տեղ պատում են սրահի բաց կողմը, ու կամարների տակ ստեղծում է մի կրօնական կիսաստուեր, որ գուրկ չէ խորհրդաւորութիւնից:

ձաշի ժամ է. դրսում ոչ ոք չկայ. պարաէզի կենտրոնում արուեստական աւազան կայ, ծածկուած սիրուն վերանդայով, և այդ աւազանի մէջ մի հատիկ կարմիր ձուկ. նա շարժւում է մեղմութեամբ, ասես վախենում է իր խղճուկ պոչի թափով աղմկել չորս կողմի լուսթիւնը, երբեմն մնում է անշարժ՝ թեւերը փռած, ասես մտածելով՝ թէ ինչպէս շարժուի, որ աղմուկ չլինի, որ անհամեսութիւն չանի. երբեմն իջնում է ջրի խորքը, երբ արևի շողքերը շատ են ոսկեղօծում նրա փոքրիկ մէջքն ու կարմիր թեւերը. համեստ է. ու մենաւոր, որպէս մի վանական: Ես դեռ երբէք այսքան տխուր, այսքան մեկամաղձոտ ձուկ չեմ տեսել. հասկանալի է. չէ որ ձկները մենակեցութեան սովոր չեն. փոյթ չէ նոյն իսկ, եթէ այդ Մխիթարեանների աւազանում լինի: Խեղճ դժբախտ ձուկ...

Իմ միայնութիւնը երկար չէ տևում: Ահա մի ծերունի ալեղարդ մազերով ու միրուքով: Նա քայլում է բաւական արագ, բայց տարիների բեռի տակ կռացած է մէջքը. նրա պատկառելի դէմքը մերթ ժածկւում է սիւնների և սաղարթների յետևում և մերթ յայտնւում է իր բոլոր վայելչութեամբ, որպէս հին աշխարհի մի ծեր նահապետ... Ալիշանն է. ինչպէս չճանաչել նրան. թէև ժամանակն աւերմունք է գործել, բայց արտաքինը դեռ պահպանում է բանաստեղծական խորհրդաւոր գծեր այդ խոշոր, մեղմ աչքերի մէջ. այդ սիրուն ճակատի վրայ, որ տարիները բոլորել են ճերմակ մազերի պսակով: Ես առանց մի վայրկեան կորցնելու նրա առաջն եմ վազում և համբուրում վաստակաւոր աջը: Նա կանգ է առնում զար-

մացած, և, իսկոյն զլիսի ընկնելով, առանց սպասելու, որ իմ անունը լսէ, կամացուկ ասում է.

— Բարի էք եկել. ինչպէս են, աղէկ են ձեզ մօտ:

— Հայր նահապետ, ձեզ են հարցնում ամենքը, ձեզ տեսնելու ջերմ փափագն ունեն:

— Է՛հ, թող գան և կտեսնեն, — պատասխանում է նա ժպտալով:

— Այն, բայց նրանք կուզէին, որ դուք լինէք հայրենիքում, որ ամենքը տեսնեն, որ իրանց նահապետն իրանց մէջ լինի:

— Է՛հ, երբ գալու լինին այտեղ, ես ալ մէջները կլինիմ, — վերջացնում է նա ծիծաղով:

Ահա և միւս միաբանները. սեղանատնից են դուրս գալիս, ծանօթանում ենք, ընդունելութիւնը ամենի կողմից քաղցր է ու բարեկամական: Հ. Բարսեղ Սարգսեան, Հ. Եսայի Տայեցի, Հ. Սիմէօն Երեմեան սիրալիր պատրաստակամութեամբ իրանց թանկագին ժամերը շեն խնայում ինձ, և մենք, խօսելով աւելի կամ պակաս հետաքրքրական նիւթերի մասին, որոնք կապ ունեն ազգային կեանքի հետ, շրջում ենք կղզու բոլոր անկիւնները: Ուշադրաւ է, որ խօսակցութեան կամ, աւելի ճիշդ, վէճի առաջին հարցերից մէկն է ռուսահայ և թիւրքահայ բարբառների խնդիրը: Արդեօք սա այն տարօրինակ հարցերից մէկն է, որի վերաբերմամբ մենք երկար դեռ չալտի կարողանանք իրար հասկանալ և վերջնական համաձայնութեան գալ մեր թիւրքահայ եղբայրների և մանաւանդ Մխիթարեան հայրերի հետ:

Մանում ենք եկեղեցի. փոքրիկ, կոկիկ և մաքուր կամարաորմերը զարդարուած են եկեղեցական

ազգային գործիչների նկարներով: Ահա և գրադարանը, որ իւր ձեռագրի ժողովածուով այնքան օտարականների հետաքրքրութիւնն է շարժում: Չորս մեծ ու փոքր լուսաւոր սենեակներ են առաջին յարկում, ուր դեղնագոյն պահարանների ապակիների հակում շարուած են բաղմահատոր զրքերը զանազան լեզուներով: Չեռագրերի բաժինը մի առանձին կոկիկ սենեակ է, ուր ազգային այդ յիշատակարանները պահուում են մեծ խնամքով՝ որպէս նուիրական նըշխարներ: Թւում է, թէ մի խնամոտ ձեռք օրն ի բուն զբաղուած է զրանցով. այն սասիճան կարգ ու մաքրութիւն կայ այստեղ:

Այն սենեակում, ուր աշխատել էք յօրդ Բայրօն, խնամքով պահուում են մեծ բանաստեղծի մի քանի յիշատակներ, իր հայերէն ու անգլիերէն ստորագրութիւնը, նկարը, դանակը, թանաքամանն ու զրիչը: Ուշադրութեան արժանի է մանաւանդ հին գրամների պահարանը. զանազան դարերից մնացած մետաղեայ այդ փոքրիկ շերտիկները, որոնց վրայ շատ անգամ հազիւ նշմարուում են գրերի հետքեր, դասաւորուած են ժամանակագրական կարգով. իւրաքանչիւրը կրում է մի փոքրիկ կտոր թուղթ, որի վրայ նշանակուած է հայերէն գրամի արձանագրութիւնը: Մի ընդարձակ դահլիճ է վանքի ընթերցարանը, որ ճեմարան է կոչւում: Գննտրոնում դրուած ահագին սեղանը կորչում է զանազան լեզուներով լրագրերի կոյտի աակ, որոնք դասաւորուած են խնամքով և կարգով:

Դժուար է առանց խորին յուզմունքի անցնել այն գալլէրէյով, որի պատերի վրայ պահուում են վախճանուած միաբանների իւղաներկ նկարները: Ի՛նչ

սիրելի, ի՞նչ քաղցր սովորութիւն. այս Մխիթարեան ընտանիքի յաջորդ սերունդները հեշտութեամբ չեն մոռանում իրանց նախորդներին և շարունակում են ապրել նրանց մեծ յիշատակներով: Հետաքրքրական են պատերի վրայից ասես անհունը դիտող և խորհող այդ դէմքերը. արևելքում ծնուած և արևմուտքի մըքով մշակուած այդ ճակատները՝ իրանց վրայ ինչ որ մի վսեմ բան են կրում, որ պատկառանք է ազդում: Գեռ օտարներն են նկատել, որ քաղաքակրթուած հայի տիպը խիստ գրաւիչ է դառնում, մանաւանդ երբ առևտրի և ստոր վաստակի հոգոր չէ կնճռում նրա ճակատը: Եւ ճշմարիտ, այս դէմքերը մէկը միւսից ազդու, մէկը միւսից գրաւիչ են և նայում են նրանք ճշմարիտ կրօնաւորին, հեղ և գիտուն մարդուն յատուկ խելացի աչքերով: Չարքով կարդում եմ՝ Հ. Հիւրմիւզեան, Հ. Աւետիքեան. երկար կանգ եմ առնում այս մեծաշեայ, արծուաքիթ պատկերի առաջ, որ կարծես երազում է հին օրերը. հռչակաւոր Չամշեանն է: Ահա Հ. Ալեքերեան, Զախճախեան, Հ. Արսէն Բագրատունի... Ո՞ր մէկը թուել. վաստակաւոր գլուխների, խոհուն աչքերի ամբողջ երկու շարքեր, մի գիտական պանթէօն, որ մտածել է տալիս և յուզում: Այստեղ է նաև Հ. Ալիշան, իր սիրած Զնորհալին իր շնորհալի ձեռքում, երիտասարդ ու կայտառ, գեղադէմ բանաստեղծ. դեռ կենդանի «Աւարայրի բլրիւլը» այս անմահների շարքում իր տեղը գրաւել է արդէն: Մխիթարեան միաբանը սրանից մեծ փառք չունի. համեստ, բայց վսեմ փառք:

Անցնում ենք ֆիզիկական գործիքների և հանրային ժողովածուների դահլիճը: Ի՞նչ զարմանալի է



ժամանակի առաջ բերած փոփոխութիւնը: Մտքի յաղթական ընթացքի առաջ պատուար շկայ: Վանական մի ուլտ և այսքան գործիքներ ֆիզիկական, քիմիական փորձերի համար... Այստեղ է նաև Հ. Արսէն Բագրատունու գանգը, որին նայելիս մարդ ակամայ չամլէտ է դառնում և միտքը հրաժարում է հաւատալ այսքան անողորմ, այսքան վուզար իրականութեան, անկարող է դառնում թէկուզ հեռաւոր կապ գտնել այս ողորմելի ոսկերակոյտի և այն վսեմ պատկերի մէջ, որի անունն է Հ. Արսէն Բագրատունի: Եւ ճշմարիտ, միթէ այս շնչին փշակի մէջ են ծնունդ առել այնքան մտքեր...

Վար ենք իջնում ներքև, մտնում տպարան, ուր կեանքը եռում է. արագատիպերը գործում են. տպագրում են «Պատմութիւն վարուց և գործոց Տ. Մըխիթարայ վ. Սեփառտացու» Հ. Թորոսեանի. «Հայապատումը» Հ. Ալիշանի, Հայկական արձանագրութեանց ուսումնասիրութիւնը՝ Հ. Սանտալճեանի (Ֆրբանսերէն) և այլն:

Դուրս ենք գալիս փոքրիկ պարտէզը: Լաւ մըշակուած խաղողի վազեր կան, որոնք երկար ու գեղեցիկ ճեմելիքներ են կազմում կամարածածկ ու զով. նրանց կողքին՝ պտղատու ծառերի շարքեր, աւելի հեռուն, կղզու եզերները, ստուերախիտ նօճիկներ: Կղզու մի հեռաւոր անկիւնում մի փոքրիկ թումբ կայ, որ Բայրօնի բլրակ է կոչւում. այդտեղ փայտեայ փոքրիկ նստարանի վրայ նստած երբեմն երազելիս է եղել ծովերի սիրահար ըմբօստ ու յուստես բանաստեղծը: Եկեղեցու յետև հարաւային անկիւնում վանքի գերեզմանատունն է, պատի վրայ Հ.

Ալիշանը իրան յատուկ գողտրիկ ոճով մի քանի տող բանաստեղծութիւն է գրել, որ վերջանում է հեակեալ խօսքերով՝

...«Վաստակեցան և աստ հանգչին»:

Այն, հանգիստ յաւիտեանական իրանց ածիւննեքին, որովհետեւ յիրաւի շատ «վաստակեցան»:



Այսօր մայիսեան պայծառ և ծիծաղկոտ եղանակով վերջին անգամ այցելեցի ս. Ղազարը և իմ վերջին նամակը Վենետիկից նրան եմ նուիրում:

Կղզին կտրուած է մայր ցամաքից և նրան Ագրիտաիկի ալիքներն են գուրգուրում. կղզու բնակիչները կտրուած են աշխարհից և իրանց կրօնական ու գիտական խոհերով են ապրում միայն: Ինչպէս հողի այդ փոքրիկ շերտը կարծես գոռոզ ծովից թողութիւն է հայցում իր գոյութեան համար, ճիշդ նոյնպիսի համեստութեամբ Մխիթարեան միաբանները իրանց տքնութիւններով եւ բեղմնաւոր աշխատանքով լի կեանքի համար անգամ ասես ճնշում են աշխարհի առաջ,— այս է այն տպաւորութիւնը, որ գործում է ուշադիր ճանապարհորդի վրայ իւրաքանչիւր միաբան:

Այստեղ կեանքը պարզ է ու ձանձրալի լինելու չափ միակերպ, և սակայն այսօրտաքին միակերպութեան տակ մի շարժուն, յարատեւ աշխատանքով բռնուած ներքին գործունէութիւն կայ, որ փոխքրնում է ձանձրոյթը և որ իր առաջին մղումը ստացել է երկու դար առաջ և ընթանում է՝ ինչպէս մի

լաւ կազմուած և լաւ պահուած մեքենայ: Ինչեր կարող է անել մի լաւ կազմակերպուած ինքնավար, հաւաքական մարմին, որ ղեկավար ունի մի քանի սերունդների կտակած մեծ տրադիցիաները:

Այս համեստ մարդիկը, որոնց երիտասարդները ծերեր են և ծերերը՝ երիտասարդներ աշխատանքի մէջ, որոնք իրանց անհատականութիւնը հերքելու այդ զարմանալի կորովն ունեն և փառքը հեզնելու վսեմ հպարտութիւնը, այս խեղճ կրօնաւորները, որոնք գիտնականներ են, իրանց անցեալի շքեղ հօբիզօնի վրայ Միխիթարն ու Քազրատունին ունեն, իսկ աչքերի առաջ՝ Ալիշանը,— դէպի այդ մեծ դէմքերն են դիմում մի համարեա ինքնաբոյս մղումով, մի տեսակ բնադդով, ուր փառասիրական ոչ մի նշոյլ կարծես դեր չէ խաղում, և ձգտում են, որովհետև այլ կերպ վարուել չեն կարող, ինչպէս որ մեղուն չէ կարող մեղրահիւթ չհաւաքել, թռչունը չէ կարող շերգել, ալիքները չեն կարող իրար չհրհրել:

Իսկապէս սա մի յանդուգն փորձ է իմ կողմից նրանց հոգերանութեան թէկուզ հեռաւոր ուրուագծերը տալ, որովհետև այս սև հագած մարդիկ—մի մի մութ առեղծուածներ են, չեն խօսում իրանց մասին, չեն բաց անում իրանց հոգին, չեն գանգատուում, չեն ուրախանում, չեն ախրում, չեն հրճուում, որ մատնեն իրանց ներքինը: Սրանք հարթ, հաւատարակչիւ, անյոյզ բնաւորութիւններ են: Սրանց ճանաչելու համար պէտք է գուցէ տարիներ անցկացնել վանքում, աստիճանաբար դիտել՝ սկսած այն երկու խիստ կրօնական-գիտական շրջաններից, որոնցով անցնում է

իւրաքանչիւր միաբան, նախ քան կնգղաւոր խեղճ փիլօսնն իր ուսին ձգելը:

Այնտեղ՝ այն երկու զպրօցներում են դարբըն-  
ում այս բնաւորութիւնները: Երեսնան ընկնում է  
այնտեղ 10—12 տարեկան և Մխիթարեան միաբան  
դառնալու համար պատրաստում է մինչև իր քսան  
տարեկան դառնալը. այնուհետև միայն, ըստ իր կամ-  
քի, մնում է, կամ հեռանում վանքից, բայց ով որ  
մնում է, նրա անհատականութիւնն արդէն շնջուած  
է, նա լուծւում է ուխտի ամբողջութեան մէջ, դա-  
դարում է աշխարհին և իրան պատկանելուց,—զար-  
հուրելի զոհաբերութիւն, որ որքան անախրօնիզմ է  
այս ժամանակներում, նոյնքան ապշեցուցիչ երևոյթ  
է և պատկառանք է ազդում, ինչպէս ամեն մի անձ-  
նաւորութիւն որ և է մեծ զաղափարի համար: Ներ-  
կայ դէպքում մեծ զոհը բերւում է զիտական-կրթա-  
կան մեծ միսսիայի համար,—ուրիշ *raison-d'êtr*e այդ-  
քան խոշոր զոհաբերութեան համար անհասկանալի  
կլինէր:

Սրանք ներկայով ապրող մարդիկ չեն, այդ  
նրանց քիչ է հետաքրքրում. նրանք անցեալն են փոր-  
փորում և այդ անցեալի ուսումնասիրութեամբ հե-  
ռաւոր ապագան պատրաստում: Սա մի գործունէու-  
թիւն է, որ՝ որքան զարմանալի է իր բեղմնաւորու-  
թեամբ, նոյնքան տարօրինակ է իր մեթօդով և որի  
միակ բացատրութիւնը պիտի փնտռել վանականու-  
թեան մէջ: Այդպէս է կրօնական ազգեցութիւնը. այս  
աստիճան գործնական, կենսական նպատակ ունեցող  
ուխտն անգամ աւելի դէպի յետ, քան թէ առաջ է  
նայում: Հայ ժողովրդի ժամանակակից կեանքը խո-

բապէս յուզող խնդիրներն անգամ, իբրև եռուն խընդիրներ, որոնք բնականապէս անմասն չեն փոթորկալի կըքերի ազդեցութիւնից, շատ էլ չեն զբաղեցնի Մխիթարեաններին: Նրանք ասես վախենում են այն բոլորից, ինչ որ ցնցում է, ինչ որ տակն ու վրայ է անում. փոթորկի ժամին ծածկուող մարդիկ են, բայց երբ փոթորիկն անցնի, երբ արևը վերստին փայլի, ոչ ոք նրանց պէս չէ կարող ցոյց տալ կայծակի հարուածի տեղը, ոչ ոք նրանց պէս ճիշդ չի իմանայ զոհերի թիւը, այբուած աները, ոչ ոք այնպիսի մանրամասնութեամբ չի նկարագրի աշխարհաւեր արհաւիրքը:

Իրանց անդրդուելի գիտական-բարոյական հասկացողութիւններն ու կարծիքներն ունեն, բայց չեն վիճում, խոյս են տալիս մանաւանդ իրանց գիտական պաշարը փռել խօսակցի առաջ, աւելի ուսանում, քան ուսուցանում են՝ նոյն իսկ այն դէպքում, երբ իրանց դիմացինը ըստ ամենայնի աւելի ցած է կանգնած՝ քան իրանք: Միայնակեաց կեանքի արդիւնք է այդ արդեօք, թէ համեստութեան. ես տրամադիր եմ կարծելու՝ թէ մէկը և թէ միւսը. համեստ են եւ իբրև իսկական գիտուններ, և՛ իբրև իսկական կրօնաւորներ: Միակ դէպքը, երբ Մխիթարեան վարդապետը սիրով է բերան բաց անում, այդ այն է, երբ պէտք է պատմել Մխիթարի, Չամչեանի, Ազգերեանի, Քազբատունու, Հիւրմիւզի մասին. իրանց համար խօսքերով ժլատ այդ մարդիկ պերճախօս են, երբ խօսում են իրանց նախորդների, անցեալ սերունդների առաքինութիւններից ու գործունէութիւններից: Մարդ հաճոյք է զգում այդ ժամանակ լսել նրանց պատ-

մութ իւնները, յիշողութիւնները. յափշտակում են իրանց հայրերի մեծութեամբ սքանչացող դաւակների պէս:

Այս կղզին իր շինութիւններով, իր պարտէզով, իր միաբանութեամբ՝ մի բան ունի, որ զբաւում է իր խորհրդաւորութեամբ և որ բանաստեղծօրէն դիւթիչ է, մանաւանդ երազող հոգիների համար: Այս հինաւուրց կամարների տակից սառուերի պէս մեղմով անցնող սև սև պատկերները, այս փոքրիկ սևազգեստ աշակերտները, որոնք չգիտես սրտեղից են յայտնւում և սր ծածկում, այս սիրուն պարտէզն իր մուգ նոճիներով, դասական պարզութեամբ սաղարթապատ վերանդան, հինաւուրց եղենիները, որոնք բլրածև ոստերով զանգակատան հետ ձգում են դէպի իտալական մշտածիծաղ երկինքը, ծովի ալիքների շշմջիւնը գիշեր՝ թէ ցերեկ, այս բոլորը ս. Ղազարի կղզին դարձնում են մի տեսակ լեզենդային, դիւթական վայր: Չեմ դարմանում, որ Քայրօն, բանաստեղծական այդ մեծ և անհանգիստ ոգին, իր թախծալից, ցաւոտ երազների համար այս մենաստանն ընտրեց իբրև ապաստան:

Առաջին բոպէին՝ թւում է, որ սրանից աւելի բաղդաւոր անկիւն չէ կարող լինել յարատև ապրելու համար և որ միաբանների կեանքը այստեղ նախանձելի է: Քայց երբ մարդ օրերով է ապրում այստեղ, երբ մօտիկից զգում է այս ձանձրալի միակերպութիւնը, երբ տեսնում է միաբանների տաղտուկ ապրուստը, նրանց միօրինակ կեանքը, որ յոգերի աղբիւր չունի հեշտանալու համար, ուր արտաքին աշխարհի աղմկող երևոյթներն իրանց չար ու բարիով

չեն գալիս երբէք խռովելու այդ սպանիչ խաղաղութիւնը, ուր կեանքի գոյութեան պայքարը չկայ, որ մարդկային ճակատագիրը հեշտացնում է զբքերի բաղխումով, այն ժամանակ մարդ չէ կարողանում մի առանձին յարգանք չղգալ դէպի այս մարդիկ, որոնց կեանքը անձնագոհութեան, և՛ այն խաղաղ, առանց ցնցումների, առանց փառքի, առանց վայելքի անձնագոհութեան մի անվերջ շարք է:

Ես քաղաքից կղզին էի գալիս առաւօտեան ժամի 8-ից յետոյ. այդ ժամանակ վանական կեանքն արդէն իր կատարեալ եւման մէջ էի գտնում. վարդապետներից որը դպրոցում, որը լիցէօնում, որը խմբադրատանը կամ տպարանում, որը սեղանատանն իր գործով զբաղուած է. ով որ էլ որոշ պաշտօն չունի՝ փակուած է իր խցիկում, կռացած է գրասեղանի վրայ, քրքրում է մի հին ձեռագիր կամ եւրոպական մտքի մի նոր արտագրութիւն: Այդ ժամին դժուար է պարապ միտքան ճարել. մարդ ցաւում է նոյն իսկ, երբ դէպի հիւրն ունեցած իրանց քաղաքավարի վերաբերմունքը ստիպում է դրանցից մէկն ու մէկին գոհել իր թանկագին ժամերը, մի բան, որ նրանք անում են քաղցրութեամբ և առանց դժկամակութեան, շնայելով որ հիւրընկալ ունեն:

Հետաքրքրական է մանաւանդ այդ հիւրընկալը: Այցելուին աւակը կանգ է առնում վանքի դռանը. խտալացի ծեր դռնապանը վազում է վերև, թրխկացնում է մի դուռ, անմիջապէս մանուկի փութկոտուկեամբ դուրս է գալիս մի ծերունի, ճերմակ մազերը թափթփած պարանոցին, ճերմակ միրուքը փռուած կրծքին, դէմքը խիստ զբաւիչ, կարծես — հին նահապետներից

95-33-2002



մի բան է մնացել այդ դէմքի, այդ մեծ, սիրուն աչքերի վրայ: Նա կռացած է և այնքան նիհար, որ կարծես վերարկուի մէջ էլ մարմին չունի. այլ մի ստուեր է, որ շարժուում է: Չնայելով իր ծերութեան՝ նա քայլում է արագ, երբեմն իր ընթացքի մէջ օրօրում է, կարծում ես, թէ հիմա կընկնի, հիմա պատին կը կպչի. բայց ոչ, նա չէ ընկնում, այլ քայլում է շտապով, ցած է իջնում, ձեռքերը խաշաձև կրծքին ծալած՝ ներկայանում է սպասող այցելուին, որպէս մեղադրեալն իր դատաւորին, և կարծես ներդողութիւն է խնդրում, որ իր ծերութեան պատճառով չկարողացաւ աւելի շուտ հասնել նրա սպասին. ապա նա առաջ է ընկնում և սկսում է այդ օրականով զիտէ քանի անգամ կրկնուող և վաղուց, շատ վաղուց, տարիներ առաջ արդէն ձանձրալի դարձած միակերպ շրջագայութիւնը: Առանց դժկամակելու, առանց շնչին ձանձրոյթի արտայայտութեան, առանց յոգնածութեան նշոյլ ցոյց տալու, անփոյթ՝ այցելուի տարիքին, դիրքին, սեռին, մի առաքելական հեզութեամբ մէկիկ-մէկիկ ցոյց է տալիս մենաստանի բոլոր բաժանմունքները, պատմում է, բացատրում է բոլորն՝ ինչ հարկաւոր է, ինչ որ հարցնում են, ինչով հետաքրքրում են, և այն՝ զանազան լեզուներով:

Այցելուն, ի հարկէ, խիստ գոհ է մնում, որ այս տկար, այս կծկուած ծերունին կարողանում է նրան բաւականութիւն տալ իր մայրենի լեզուով. այսքան, և ուրիշ ոչինչ:

Այցելութիւնը վերջանում է, ճանապարհորդը հեռանում է շնորհակալութեամբ, հիացած՝ վանքից, գրատունից, տպարանից, պարտէզից, ամբողջ կղզուց,



բայց շատ անգամ չէ էլ իմանում, որ այդ հիւրընկալը, այդ կծկուած ծերունին, հայ ժողովուրդի սիրելի նահապետն է, ինքը Ալիշանը: Օ՛հ, ես երբէք չեմ տեսել աւելի վեհ տեսարան, քան այն, երբ այս մեծ ծերունին հեղութեամբ առաջնորդում է զանազան այցելուների, որոնք երբեմն շատ փոքր են, համեմատելով այդ պատկառելի գիտնականի, մի տարաբալետ հայրենիքի այդ մեղուաշարթ երգչի հետ: Ըմեն մի այցելութիւնից յետոյ նա կրկին շտապում է իր խուցը, փակուում է և վերսկսում ընդհատած աշխատանքը, որպէս զի մի ժամ յետոյ կրկին գրիչը ցած դնի, կրկին ներքե վազի իր տատրակի քայլերով և անցնի նոյն միջանցքներով, նոյն սենեակներով, կրկին մի և նոյն բանը և այսպէս անվերջ: Երբ ես իմ զարմանքն ու ցաւը յայտնեցի խեղճ ծերունուն տուած այսքան նեղութեան համար, ինձ հաւատացրին, թէ շատ անգամ ասել, խնդրել են, որ իր ոյժերը խնայի, բայց նրա պատասխանը եղել է՝

— Ես ծեր եմ, դուք երիտասարդ էք, մտքի կորով ունէք, մեղք է ձեր ժամանակը, թող ինձ խանգարեն, իսկ դուք աշխատեցէք:

Անցնում եմ առանձին միաբաններին:



Հ. Ալիշանը, միաբանութեան աւագագոյն անդամը, որ ընդհանուրի յարգանքի և խնամքի առարկան է, այժմ 82 տարեկան է. նա վանքում անց է կացրել 72 տարի, անդուլ ու բեղմնաւոր աշխա-

տանքով լի մի կեանք, որ քիչ է մնում դար լինի-  
սա մի երևոյթ է, մի փաստ, որ մենակ բաւական է  
պատկառանք ներշնչելու դէպի վաստակաւոր միաբա-  
նութիւնը. օտարներն անգամ հիացմունքով են նկա-  
տում այդ և այս զարմանալի գործունէութեան մէջ  
հայ ժողովրդի կենսունակութեան, քաղաքակրթական  
յատկութիւնների մի փայլուն ապացոյց տեսնում:

Երէկ, վանք գնալիս, ծովափին սպասող նաւա-  
կի մէջ նստած գտայ Հ. Ալիշանին. նա այդտեղ էլ  
կարդում էր:

— Հայր նահապետ, քաղաք էք եկել:

— Այս տարի առաջին անգամն է,— եղաւ պա-  
տասխանը:

Այո, հ. նահապետը քաղաք չէ գնում, նա Վե-  
նետիկի բնակիչ չէ, այլ ս. Ղազարի, ուր նա ապ-  
րում է իր երեւակայական հայրենիքում, իր կարմրիկ  
Աւարայրում, ուր, աւանդ, դարերը անընդհատ թար-  
մացնում են արիւնը, իր Տղմուտի փերում, որ հազար  
հինգ հարիւր տարի է՝ էլ վճիտ չէ հոսում, նա ապ-  
րում է իր զարմանալի խոհերով, որոնք թանձրա-  
նում, ծնունդ են տալիս «Այրարատին», «Սիսուա-  
նին», «Չիրակին», ուր աւերակների ծովն աւելի  
թանձր է, քան թխպոտ երկնքի ամպերը և, ուր ար-  
ցունքն աւելի առատ է, քան ջրաշատ Հայաստանի  
աղբիւրների ջրերը: Վաղ առաւօտից նա ոտքի վրայ  
է և երերալով եկեղեցի է գնում՝ մրմնջալով Չնոր-  
հալու «Ձարթիքը» և ուշ գիշերին անկողին է մըտ-  
նում՝ մրմնջալով իր այրուած սրտի զեղմունքը.

«Ո՛վ դու ի վաղուց մոռցուած հայրենիք,  
Ո՛վ դու իմ սրտիս անմոռաց տեղիք...»

Բայց էլ շրթունքները չեն զօրում ասել... «Ահա գարունիկդ եկել է, հասել...» Մեծ ծերունուն ես տեսայ իր սենեակում, սչ, իր խցում. եթէ աչքովս չտեսնէի նրան իր բնակարանում, դժուարութեամբ պիտի հաւատայի, թէ մեր նահապետն է այնտեղ ապրում. այն աստիճան պարզ, անպաճոյճ է այդ սենեակի սարք ու կարգը. սչ մի տարբերութիւն սովորական սարկաւազի սենեակից,—նոյն անկողինը, նոյն հասարակ աթոռը, նոյն սեղանը, աւելին այստեղ միայն գրքերն են: Բոլոր նրանք, որոնք կրօնական պարզութիւնից, համեստութիւնից, առաքելական վարք ու բարքից են խօսում, բայց ճոխ վերարկունների աստառն էլ ատլասից են կարում և իրանց փարթամ սենեակներում քայլում են պարսկական փափուկ, թանկագին գորգերի վրայ, արժէ, որ գէթ մի անգամ այցելեն այս մեծ մարդու բնակարանը և տեսնեն, թէ գաղափարի մարդը ինչպէս կարող է կտրուել աշխարհի վայելքներից և թէ ինչպէս հնարաւոր է խօսքի և գործի ներդաշնակութիւնը, երբ առաքինութեան քարոզները կեղծ շրթունքների մրմունջ չեն միայն, այլ ազնիւ սրտի խորքերից են բղխում:

Նպատակ չունեմ միաբանութեան անդամների բնորոշումը տալ առանձին-առանձին. ասացի, որ նրանք շատ են նման իրար, իսկ եթէ մի քանիսի մասին, չ. Ալիշանից բացի, գրում եմ, պատճառն այն է, որ հանգամանքների բերմամբ նրանց աւելի մօտիկից տեսայ:

Միջին սերունդն է ներկայացնում չ. Բարսեղ Սարգսեան, ալիսառն կոլոր միրուքով, փոքր հասա-

կով, եռանդուն, գիտնական վարդապետը (Չիրակեցի), որի «Ազատագեղոս և իւր բաղմադարեան գաղտնիքը» աչքի ընկնող գիտնական երկասիրութիւն է և արժանի գնահատութիւն ստացաւ հայագէտ օտարների կողմից, թողնենք նրա բաղմաթիւ այլ աշխատութիւնները, որոնք իբրև մասնագիտական գործեր շատ անգամ յայտնի չեն դառնում ամենքին: Միաբանութեան երկհարիւրամեակի առիթով չ. Սարգսեան պատրաստում է մինոր լուրջ աշխատութիւն, որով պիտի պատկերանայ ուխտի գործունէութիւնը սկզբից մինչև մեր օրերը: չ. Սարգսեանին դժուար է մի վայրկեան պարապ գտնել. իր զբօսանքի կարճատև ժամերին անգամ նա անընդհատ կարդում է պարտէզի ծառերի տակ. վանքում միակ վարդապետն է գուցէ, որ ընթացիկ կեանքի վերաբերեալ վէճերում շուտով տեղի տալու սովորութիւն չունի, այս պատճառով նրա հետ խօսակցութիւնը միշտ ընդունում է կենդանի հետաքրքրական կերպարանք:

Երիտասարդ վարդապետների մէջ ինձ վիճակուեց տեսնել խիստ համակրելի տիպեր, որոնք մեծ ապագայ են խոստանում: չ. Թորոսեան, վանական լիցէօնի տեսուչը միանգամայն և ուսուցչապետը, մի աչքի ընկնող անձնաւորութիւն է, թէ իր լայն կրթական պատրաստութեամբ և թէ իր վերին աստիճանի համակրելի արտաքինով և ազնուական ձևերով: Քիչ անգամ է վիճակուել ինձ տեսնել մի կրօնաւոր, որ այնքան յիշեցնէր մեր V դարի թարգմանիչներին, այնպէս՝ ինչպէս մեր երևակայութեան հաճելի է լինում պատկերացնել նրանց: Բարձրահասակ սիրուն մի տղամարդ, արևելեան շեշտուած դիմագծե-

րով, սև երկայն վառահեղ միրույսով և նազելի քայ  
լուածքով մի կրօնաւոր, որի բոլոր շարժումները,  
խօսքի իւրաքանչիւր զարձուածքը, յայտնած իւրա-  
քանչիւր միտքը հեզութեան կնիք են կրում իրանց  
վրայ: Նա գիտէ եւրոպական բոլոր ժամանակակից  
գլխաւոր լեզուները, ինչպէս նաև կլասիկականները-  
վանքից դուրս իր ուսումը կատարելագործել է, եթէ  
չեմ սխալուում, չռօմում և Գերմանիայում. ինչպէս  
նաև Հ. Սարգիս: Սիրալիք բարեմտութեամբ առաջ-  
նորդեց ինձ իր լինամքին յանձնուած լիցէօնը և ծա-  
նօթացրեց իր սաների հետ, տասնի չափ հայաստան-  
ցի երիտասարդներ, որոնցից մի քանիսը իմ այնտեղ  
եղած ժամանակ ուխտի մէջ մտան:

«Քաղմավէպ»-ի խմբագիրն է Հ. Սիմէօն Երեմեան,  
չիկահեր երիտասարդ վարդապետը, ամենից աւելի  
մօտիկ ծանօթ ռուսահայ արդի գրականութեանը և  
գործիչներին, գուցէ շնորհիւ իր պաշտօնի: Այդ ամ-  
բողջ թերթը, մանաւանդ գործի տեխնիկական մասը  
համարեա մենակ է վարում. ես նրան դտայ իր խը-  
ցում, երբ մենմենակ համարներն էր ծրարում և նա-  
մականիշներ փակցնում: Հ. Երեմեան համեմատաբար  
նոր մարդ է և աշխատում է իր ղեկավարութեան  
յանձնուած թերթին մի փոքր ժամանակակից գոյն  
տալ. գովելի ձգտում, որ որքան աջողուի, նոյնքան  
հետաքրքրական պիտի դարձնի գործը և նոյնքան յար-  
գելի իր խմբագրին, իսկ զրա համար անհրաժեշտ է  
«Քաղմավէպ»-ից իսպառ դուրս ձգել թիւրքահայերին  
յատուկ քննադատական այն մեթօղը, ուր իրերի  
արժէքը որոշելու չափը շատ առաձգական է, և, միւս  
կողմից, ցաւալի երևոյթները պէտք չէ հեռաւոր,

մեղմ ակնարկներով յայտնել, այլ անուն-անուն և դառնացած շեշտով, այլապէս ընդհանուր խօսքերը անցնում են առանց խորը հետք թողնելու:

Տպարանի տեսուչն է Հ. Սարեան, որ առաւօտից երեկոյ իր պաշտօնատեղից չէ հեռանում: Նրան կարելի է տեսնել մերթ շարողի մօտ, մերթ սրբագրութեամբ զբաղուած, մերթ իր անվերջ հաշիւներով: Տպարանումն է նոյնպէս Հ. Սուքիաս Էփրիկեան, «Բնաշխարհիկ բառարան»-ի հմուտ հեղինակը: Մշտապէս խոհուն այդ բոլորովին երիտասարդ մարդը՝ ծերունու լրջութիւն է կրում իր վերին աստիճանի համակրելի գէմքին. նա այնպէս մտազբաղ է, որ կարծես տարուած է մի մեծ պրօբլէմով, որի վճիռը նրա համար կենսական նշանակութիւն ունի. այդ պրօբլէմը իր սկսած մեծ գիտական գործն է, իր բառարանը, որի համար աշխատում է անդադրում. նրան տեսնելիս ինձ միշտ թւում էր, թէ մի նոր բան է գտել, որ վազում է շտապով գրի առնելու:

Հ. Եսայի Տայեցին, լայնաթիկունք, յաղթանդամ մի տղամարդ, ինչ որ լեռնական բան է բերել իր հետ Տայոց լեռներից. նա անխոնջ զբաղարանապետն է. սիրալիր պատրաստակամութիւնը, որով նա աշխատում է գոհացնել զբաղարանում զբաղուող հիւրերին, վկայում է նրա բուն արևելեան, բուն հայկական, աւելին կասեմ՝ հայ գեղջկական հիւրասիրութիւնը:

Ցերեկուայ ուղիղ 12 ժամին բոլոր միաբանները եկեղեցի են իջնում աշակերտների հետ. դասում, սեղանի առջ աջ ու ձախ տեղ են բռնում աշակերտները, որոնք միևնոյն ժամանակ երգիչներն ու փո-

խասացներն են, իսկ նրանցից ներքե, դասը բաժանող վանդակապատի առաջ միաբանները: Սկսում է ճաշու ժամերգութիւնն իր անվերջ «ողորմեաններով», որ քաղում են ցածր ձայնով, բայց արագ-արագ: Ժամերգութիւնից անմիջապէս յետոյ դիմում են դէպի սեղանատուն. ամենքը հաւաքում են սեղանատան նախասենեակում՝ սպասելով արբահօրը, որը շուտով յայտնում է. ողջոյն է փոխանակում, նա առձեռն է անցնում, միւսները հետևում են և լուսթեամբ գրաւում իրանց տեղերը: Արբահայրն օրհնում է սեղանը մի բաւական երկար օրհնութեամբ, որ լսում են յոտնկայս, ապա նստում են և սկսում է ճաշը կատարելով լուսթեան մէջ. միայն լսում է մի աշակերտի ձայն, որ վերնատնից կարգում է ս. պիքքը: Մխիթարեանների ճաշը նոյնպէս ուշագրաւ է. ինչ ասել կուզի, որ վանական ճաշ է, ճոխութիւնից շատ հեռու, բայց դրա հետ միասին մաքուր է, սննդարար և ախորժելի: Ճաշից յետոյ նոյն կարգով դուրս են գնում, դարձեալ սպասում արբահօրը նախասենեակում, որի հեռանալուց յետոյ յետ են գալիս սեղանատուն իրանց մի-մի բաժակ սուրճը խմելու: Ինձ թւում է, որ Մխիթարեանների սուրճի այդ կարճատե ժամը նրանց կեանքի ամենատուրախ, ամենահաճելի ժամերից մէկն է. այդ ժամանակ է, որ նրանք ուրախ-ուրախ խօսում են, կատակներ են անում, մի խօսքով զուարճանում, ինչպէս որ կարելի է զուարճանալ ս. Ղազարում: Քիչ յետոյ այլևս ոչ ոք չէ երևում ոչ սեղանատանը, և ո՛չ պարտէզում. լուսթիւնը տիրում է շորս կողմում և աշխատանքը՝ վերսկսում է, և այսպէս օրեր ու տարիներ, այսպէս ամբողջ կեանքը:

Սիրում եմ հաւատալ, որ հռչակաւոր մենաստանի երկհարիւրամեայ տարեդարձին հայ ժողովուրդը ցոյց կտայ, որ գիտէ զնահատել այս վաստակաւոր մարդկանց անձնուիրութիւնը. գիտէ վարձատրել արժանիքը, քաջալերել եռանդը: Միտիթարեան միաբանութիւնը երբէք ձեռք չէ մեկնել և նա երբէք էլ չի մեկնի, բայց նրան յանձնուած իւրաքանչիւր լուսման միշտ հայ ժողովրդի փառքին և նրա վերածնութեան գործին է ծառայել և, յուսանք, կծառայի: Այս չպէտք է մոռանալ:



Վ Ե Ր Զ









